



Financiado pola Unión Europea
NextGenerationEU



GOBIERNO
DE ESPAÑA



Plan de Recuperación,
Transformación
e Resiliencia



DEPUTACIÓN PROVINCIAL
A CORUÑA



CONCELLO
DA LARACHA



Concello
de Coristanco

SERVIZO DE PATRIMONIO E CONTRATACIÓN

Número

76

/2025

CONVENIO DE COOPERACIÓN ENTRE A DEPUTACIÓN DA CORUÑA E OS CONCELLOS DA LARACHA E CORISTANCO PARA LEVAR A CABO AS ACTUACIÓNS “RECUPERACIÓN DE PRAIAS FLUVIAIS” E “APARCADOIROS DISUASORIOS EN ESPAZOS PRÓXIMOS AO RÍO ANLLÓNS” DO PSTD OS FOGÓNS DO ANLLÓNS, FINANCIADO CON FONDOS DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXT GENERATION EU

Na Coruña, a 22 de agosto de 2025, na sede da Deputación Provincial da Coruña

Ante min, Paula María Vázquez Carrasco, Secretaria Xeral en funcións da Excelentísima Deputación Provincial de A Coruña, como fedataria actuante,

REUNIDOS

Dunha parte Don Xosé Regueira Varela, que intervéen en nome e representación da Deputación Provincial da Coruña, actuando na súa calidade de Deputado de Promoción Turística, Artesanía, Comercio e Cadea Agroalimentaria e conforme ás competencias que ten atribuídas.

Doutra,

Don José Manuel López Varela, que intervéen en nome e representación do Concello da Laracha, actuando na calidade de alcalde da Laracha e conforme as competencias que ten atribuídas,

Don Juan Carlos García Pose, que intervéen en nome e representación do Concello de Coristanco, actuando na calidade de alcalde do Coristanco e conforme as competencias que ten atribuídas,

Todos os comparecentes recoñécense mutuamente capacidade, lexitimación e representación suficientes para formalizar o presente convenio de cooperación.

MANIFESTAN

Primeiro.- A Deputación Provincial da Coruña presentou un Plan de Sostibilidade Turística en Destino ao Plan de Modernización e Competitividade do sector turístico financiado dentro do Plan de Recuperación, Transformación e Resiliencia con cargo a Fondos Next GenerationEU (Financiado pola Unión Europea), cuxas bases están reguladas pola *Estrategia de sostenibilidade turística en destinos* (2022).

Segundo.- Que a citada proposta presentouse baixo a modalidade de “proxecto en cooperación” e polo tanto as partes formalizan as súas relacións mediante acordos de cooperación para establecer os seus dereitos e obrigas no desenvolvemento das seguintes actuacións nos eixes de transición verde e sostible e de mellora da eficiencia enerxética no marco do Plan de Sostibilidade Turística en Destino (PSTD) Os Fogóns do Anllóns:

- “Recuperación de praias fluviais”;
- “Aparcadoiros disuasorios en espazos próximos ao río Anllóns”.

O orzamento total das actuacións ascende a douscentos cincuenta mil euros (250.000,00 euros) cunha contribución da Unión Europea do 100%.

Dado o interese da Deputación Provincial da Coruña e dos Concellos da Laracha e Coristanco para a realización das ditas actuacións ambas as partes acordan formalizar o presente convenio en base ás seguintes cláusulas.

Por todo o exposto, as partes:

ACORDAN

Formalizar o presente convenio conforme ás seguintes cláusulas:

1. OBXECTO

O presente convenio ten por obxecto establecer as bases de cooperación entre a Deputación Provincial da Coruña e os Concellos da Laracha e Coristanco para a realización das actuacións “Recuperación de praias fluviais” e “Aparcadoiros disuasorios en espazos próximos ao río Anllóns”, no marco do Plan de Sostibilidade Turística en Destino (PSTD) Os Fogóns do Anllóns.

A finalidade da actuación 5, do eixe de transición verde e sostible, é:

- A conservación, restauración ambiental e recuperación de praias fluviais para potenciar a importancia do río e garantir a preservación dos valores da contorna natural na consecución dun destino turístico sostible e máis competitivo.
- Implementar os elementos de infraestrutura necesarios para que exista unha mellor accesibilidade nas praias.

A finalidade da actuación 6, do eixe de mellora da eficiencia enerxética, é:

- Rehabilitación e acondicionamento de espazos dedicados ao estacionamento de vehículos próximos ao río Anllóns que adecúen o número de prazas á capacidade de acollida, que favorezan a utilización por parte de vehículos de cero emisións, ou asimilables, nos que se instalen puntos de recarga para vehículos eléctricos, que inclúan unha mellora do firme e unha correcta sinalización e información, encamiñada á mellora da xestión da comprensión

dos elementos existentes ao longo do trazado, así como unha correcta identificación do camiño.

O Plan de sostibilidade turística en destino (PSTD) Os Fogóns do Anllóns (C14.I01.P06.S15.S06) está sufragado con fondos do Plan de Recuperación, Transformación e Resiliencia (PRTR), financiado pola Unión Europea-Next GenerationEU (C14.I01.P06 – Plans de sostibilidade Turística PRTR - Adxudicación 2022, Supbroxecto C14.I01.P06.S15 - Plan Territorial Galicia 2022).

2. ORZAMENTO E PRAZO DE EXECUCIÓN

O orzamento máximo de execución das actuacións obxecto deste convenio é de DOUSCENTOS CINCUENTA MIL EUROS (250.000,00 euros) IVE engadido.

O prazo de execución estimado para o desenvolvemento das actuacións é dende o día seguinte á formalización dos contratos até o 30 de novembro de 2025, salvo que se comunique formalmente unha prórroga na execución do Plan de Sostibilidade Turística en Destino (PSTD) por parte da Deputación da Coruña.

3. FINANCIAMENTO

A Deputación Provincial da Coruña financiará o orzamento das actuacións obxecto deste convenio con fondos do Plan de Sostibilidade Turística en Destino (PSTD) Os Fogóns do Anllóns, financiado no marco do Plan de Recuperación, Transformación e Resiliencia con cargo a Fondos Next GenerationEU (Financiado pola Unión Europea), tal e como se define na cláusula anterior, cunha achega provincial máxima de douscentos cincuenta mil euros (250.000,00 euros) con cargo á aplicación orzamentaria 0510/4328/650, Código de proxecto 2023.3.81990.3. O que representa unha porcentaxe do 100% de financiamento.

Ausencia de dobre financiamento: a execución do Plan de Recuperación, Transformación e Resiliencia debe respectar os límites establecidos en relación coas axudas de Estado e a prevención do dobre financiamento procedente do Mecanismo de Recuperación e Resiliencia (MRR) e doutros programas da Unión Europea.

Para esta actuación os representantes dos Concellos da Laracha e Coristanco acreditan, mediante a firma deste Convenio, a ausencia de dobre financiamento.

4. CONTRATACIÓN DA EXECUCIÓN

COMPROMISOS DOS CONCELLOS DA LARACHA E CORISTANCO

En virtude da sinatura do presente Convenio os anteditos Concellos comprométense a:
Solicitar, vía rexistro electrónico, o inicio dos trámites necesarios para levar as actuacións obxecto deste Convenio.

En relación coa execución das actuacións obxecto deste Convenio:

1. Os Concellos da Laracha e Coristanco deberán colaborar coa Deputación provincial da Coruña, e nomeadamente coa Unidade xestora do Plan de Sostibilidade Turística en Destino (PSTD) Os Fogóns do Anllóns, en todas as tarefas conducentes á execución das obras que se describan no proxecto técnico.
2. Os Concellos da Laracha e Coristanco presentarán unha certificación xustificativa da efectiva dispoñibilidade dos terreos de actuación, libres de cargas e gravames e co réxime urbanístico axeitado, para a execución das obras que se describan nos proxectos técnicos, como trámite previo á incoación do expediente de licitación das obras pola Deputación da Coruña.
3. Os Concellos da Laracha e Coristanco facilitarán a realización da execución das tarefas asociadas ás actuacións para o seu correcto desenvolvemento.
4. Os Concellos da Laracha e Coristanco asumirán os custes xerados pola obtención dos permisos, licenzas e autorizacións regulamentarias, cando estas fosen necesarias, así como a realización das xestións pertinentes ante os organismos que corresponda para a súa obtención.
5. Os Concellos da Laracha e Coristanco comunicarán á Deputación provincial da Coruña calquera circunstancia que poida incidir na execución das actuacións obxecto deste Convenio e participará, activamente, na divulgación das actuacións obxecto do presente Convenio e do Plan de sostibilidade turística en destino (PSTD) Os Fogóns do Anllóns.
6. Unha vez realizada a intervención pola Deputación da Coruña, e coa asistencia do persoal designado polos Concellos da Laracha e Coristanco, procederase a formalizar a acta de entrega ás entidades municipais das anteditas obras, asumindo estas a súa explotación, mantemento e conservación como titular destas ou, se fose o caso, por parte dos entes titulares afectados no ámbito territorial dos anteditos concellos.
7. Todos os gastos posteriores de conservación e mantemento, unha vez rematado o Plan de Sostibilidade Turística en Destino (PSTD) Os Fogóns do Anllóns, corresponderán ao Concello da Laracha e Coristanco.
8. Os Concellos da Laracha e Coristanco darán publicidade ás actuacións obxecto deste Convenio, que están enmarcadas no Plan de Sostibilidade Turística en Destino (PSTD) Os Fogóns do Anllóns.

COMPROMISOS DA DEPUTACIÓN PROVINCIAL DA CORUÑA

En virtude da sinatura do presente Convenio, a Deputación Provincial da Coruña comprométese, en relación coa execución das actuacións obxecto deste Convenio, a:

1. A Deputación Provincial da Coruña contratará a execución das actuacións obxecto deste Convenio segundo o disposto na Lei 9/2017, de 8 de novembro, de contratos do sector público.
2. A Deputación Provincial da Coruña realizará o seguimento do desenvolvemento das actuacións obxecto deste Convenio.

3. A Deputación Provincial da Coruña comunicará aos Concellos da Laracha e Coristanco calquera circunstancia que poida incidir no desenvolvemento da execución das actuacións obxecto deste Convenio.

4. A Deputación Provincial da Coruña comunicará aos Concellos da Laracha e Coristanco cunha antelación de dez (10) días, como mínimo, a data e hora para a acta de entrega das obras obxecto deste convenio, á cal deberá asistir un representante designado dos Concellos xunto cos técnicos competentes que determinen.

Os técnicos designados elaborarán un informe de conformidade coa recepción. De presentar algún elemento desconforme a Deputación deberá proceder a realizar as actuacións que correspondan para obter o carácter favorable da valoración técnica.

5. A Deputación Provincial da Coruña dará publicidade ás actuacións obxecto deste Convenio, que están enmarcadas no Plan de sostibilidade turística en destino (PSTD) Os Fogóns do Anllóns.

5. PUBLICIDADE E FINANCIAMENTO

En relación á publicidade do financiamento dos Fondos Next Generation EU (Financiados pola Unión Europea), as partes deberán cumprir o establecido na seguinte normativa de aplicación:

- Regulamento (UE) 2021/241 do Parlamento Europeo e do Consello do 12 de febreiro de 2021 polo que se establece o Mecanismo de recuperación e resiliencia (MRR). Capítulo VIII. Artigo 34. Información, comunicación e publicidade.
- Acordo de Financiamento entre España e a Comisión Europea. Artigo 10. Publicación de información, visibilidade do financiamento da Unión e dereito de uso.
- Real Decreto-Lei 36/2020, do 30 de setembro, polo que se aproban medidas urxentes para a modernización da Administración Pública e para a execución do Plan de recuperación, transformación e resiliencia (PRTR). Capítulo III. Instrumentos de xestión pública. Artigo 23.7.
- Orde HFP/1030/2021, do 29 de setembro, pola que se configura o sistema de xestión do Plan de recuperación, transformación e resiliencia (PRTR). Artigo 9. Comunicación.
- Convenio entre a Axencia Turismo de Galicia e a Deputación da Coruña para a execución do Plan de sostibilidade turística en destino Os Fogóns do Anllóns, no Marco do Plan de recuperación, transformación e resiliencia, financiado pola Unión Europea.
- Manual de comunicación para xestores e beneficiarios dos Fondos do Plan de recuperación, transformación e resiliencia do Ministerio de industria, comercio e turismo (MINCOTUR).
- Manual de identidade visual do Plan de recuperación, transformación e resiliencia.
- Calquera outra normativa que poida resultar de aplicación tanto para investimentos financiados pola Unión Europea.

6. VIXENCIA

Este Convenio iniciará a súa vixencia o día da súa firma e rematará na data de formalización da acta de entrega das obras resultantes da execución das actuacións obxecto deste Convenio aos Concello da Laracha e Coristanco e, en todo caso, o último día de vixencia do Convenio entre a Axencia Turismo de Galicia e a Deputación provincial da Coruña para a execución do Plan de sostibilidade turística en destino Os Fogóns do Anllóns, no Marco do Plan de recuperación, transformación e resiliencia, financiado pola Unión Europea-Next GenerationEU; ou en data posterior de realizarse a prórroga do dito convenio coa Axencia Turismo de Galicia.

7. EXTINCIÓN DO CONVENIO

De acordo ao que se establece no artigo 51 da Lei 40/2015, do 1 de outubro, de réxime xurídico do sector público, o convenio extinguirase polo cumprimento das actuacións que constitúen o obxecto ou porque se incorreu en causa de resolución.

Son causas de resolución:

- O transcurso do prazo de vixencia do convenio sen que se acordase a prórroga.
- O acordo unánime de ambas as dúas partes.
- O incumprimento das obrigacións e os compromisos asumidos por cada unha das partes.
- Por decisión xudicial declaratoria de nulidade do convenio.

A Deputación da Coruña resérvase a prerrogativa de interpretar este convenio, acordar as modificacións e resolver as dúbidas que se presenten ao longo da súa vixencia.

8. NATUREZA E RÉXIME XURÍDICO DO CONVENIO

1. O presente Convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións; e na Lei 9/2007, de 13 de xuño, de subvencións de Galicia. Supletoriamente aplicarase a lexislación de contratos do sector público.
2. A interpretación das dúbidas e lagoas que puideran xurdir na aplicación do presente Convenio corresponderalle ao Presidente da Deputación provincial da Coruña, despois dos informes preceptivos da Unidade xestora, do Servizo de patrimonio e contratación, da Secretaría e a Intervención provincial.
3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, de 13 de xuño, reguladora da dita xurisdición, o coñecemento das cuestións litixiosas que poidan xurdir como consecuencia do presente Convenio.
4. O presente Convenio quedará suxeito ao disposto no Real Decreto-Lei 36/2020, de 30 de setembro, polo que se aproban medidas urxentes para a modernización da Administración Pública e para a execución do Plan de recuperación, transformación e resiliencia (PRTR); o Regulamento (UE) 2021/241 do Parlamento Europeo e do Consello do 12 de febreiro de

2021 polo que se establece o Mecanismo de recuperación e resiliencia (MRR); á Resolución de 29 de abril de 2021, da Subsecretaría, pola que se publica o Acordo do Consello de Ministros do 27 de abril de 2021, polo que se aproba o Plan de recuperación, transformación e resiliencia; a Orde HFP/1030/2021, do 29 de setembro, pola que se configura o sistema de xestión do Plan de recuperación, transformación e resiliencia (PRTR); a Orde HFP/1031/2021, do 29 de setembro, pola que se establece o procedemento e formato da información para proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan recuperación, transformación e resiliencia (PRTR); así como polo disposto no instrumento xurídico que regula a xestión do Plan de sostibilidade turística en destino (PSTD) Os Fogóns do Anllóns.

Faise constar que o presente Convenio foi aprobado por Resolución de Presidencia número 17344 de 10 de abril de 2025.

E en proba de conformidade, asinan por triplicado o presente Convenio, no lugar e data indicados no encabezamento.

O REPRESENTANTE DA
DEPUTACIÓN PROVINCIAL DA
CORUÑA

O REPRESENTANTE DO
CONCELLO DE LARACHA

O REPRESENTANTE DO
CONCELLO DE CORISTANCO

Asdo. Xosé Regueira Varela

Asdo. José Manuel López Varela

Asdo. Juan Carlos García Pose

A SECRETARIA XERAL EN FUNCIÓNS DA
DEPUTACIÓN PROVINCIAL DA CORUÑA

Asdo.: Paula María Vázquez Carrasco

